




Խ Մ Բ Ա Գ Ր Ա Կ Ա Ն

ԾԱՂԿՈՒՆ ՀԱՅՐԵՆԻՔԻ ԵՐԵՍՈՒՆՄԵԿ ՏԱՐԻՆ



ավիր մարգարեի խոսքը՝ «Երև, մոռացայց զհեգ, Երուսաղէմ, մոռացի զիս աչ իմ: Կցեսցի լեզու իմ ի քիմս իմ՝ քէ ոչ յիշեցից զհեգ, քէ ոչ նուագեցից զհեգ, Երուսաղէմ, սկիզբն ուրախութեան իմոյ», (ՍԱՂՄՈՍ ԺԼԶ, 5—6), Հայաստանյայց Առաքելական Ս. Եկեղեցու հարազատ զավակի ուղեցույցը պիտի հանդիսանա իր դիրքը հայրենի երկրի նկատմամբ կողմնորոշելիս. «Եթե մոռանամ հեգ, Հայրենիք, բող աչ ձեռքս ինձ մոռանա: Թող իմ լեզուս քիմքիս կպչի, եթե ես հեգ չիշշեմ, եթե ես հեգ իմ բոլոր ուրախություններից վեր չդասեմ»:

Հայաստանյայց Ս. Եկեղեցու նման վերաբերմունքը դեպի Հայրենիք՝ նոր և պապահական չէ. նա բխում է քրիստոնեության հիմնական սկզբունքից և հայ իրականության մեջ նա կոխվել, ամրացել և ստուգվել է տասնյակ դարերի առողջ կենսափորձով:

Հայաստանյայց Ս. Եկեղեցին, որպես ժողովրդական եկեղեցի, իր գոյության ողջ պատմության մեջ հակաժողովրդական, հակահայրենական ընթացք չի որդեգրել:

Բոլոր ժամանակներում, երբ Հայրենիքին սպառնացել է օտար նվաճողների վտանգը, հայ հոգևորականը կանգնել է հայրենասեր պայքարողների կողքին: Դրա լավագույն ապացույցն է տվել Ղևոնդ Երեցը Վարդա-

նանց հերոսամարտում: Դրա լավագույն ապացույցը տվել են հազարավոր հայ եկեղեցական նահատակները: Դրա ապացույցը նոր ժամանակներում տվեց նաև Նորիճ Ա. Օծուրյուն Տ. Տ. Գեորգ Զ. Կաթողիկոսը Հայրենական մեծ պատերազմում:

Հայ Եկեղեցին անխառնախ է գտնվել հայ պետականության նկատմամբ: Իսկ անցյալում հայ պետականությունը կորցնելուց հետո, երբ հայ ժողովուրդը ընկավ օտար լծի տակ և սկսեց կեղեքվել, Հայ Եկեղեցին վրշտակից եղավ նրան և հավասար բաժանեց նրա ցավն ու տառապանքը: Նա երբեք չլիք իր ժողովրդին նրա սև օրում և արաց կարելին՝ իր բների տակ ծվարելով հավատացյալ հոտը:

Նման ավանդական սկզբունքներ ժառանգած Հայոց Ս. Եկեղեցին և նրա Մայր Աթոռ Ս. Էջմիածինը, հասկանալի է, չէին կարող բացառիկ ուրախությամբ չհամակվել, երբ երեսունմեկ տարի առաջ Հայաստանի վրա ծագեց սովետական ազատարար և կենսաբեր արևը, որը լույս, օդ և կյանք տվեց խորտակման վիճի առջև կանգնած բազմաշարժար հայ ժողովրդին: Հայ ժողովուրդը տեր դարձավ իր սեփական պետականության:

Հայ պետականությունը ստեղծող նոր սերունդը իրապես պողպատի կամֆ ունեցող հրաշագործ սերունդ հանդիսացավ: Նա ոչ

միայն վերաշինեց ավերված երկիրը, բուժեց նրա ծանր վերքերը, այլև հրաշքներ սկսեց գործել: Բառացի, ոչնչի վրա, իրար հետևից, սկսեցին բարձրանալ արդյունաբերական հսկաներ՝ կաուչուկի, մետաղամշակման, էլեկտրական, մեքենաշինական և տասնյակ այլ գործարաններ ու ֆաբրիկաներ: Բավական է թեկուզ ընթերցել մեր ամսագրի ներկա համարում տպագրվող գերաշնորհ Վազգեն Եպիսկոպոսի նախապարհորդական տպավորությունները Հայաստանից, որպեսզի կարելի լինի պատկերացնել վիթխարի այն վերելքը, որ ունեցել է մեր Հայրենիքը 31 տարիների ընթացքում: Նախկին հետամնաց գյուղատնտեսական երկրից Հայաստանը վեր է ածվել զարգացած արդյունաբերական երկրի:

Արդյունաբերության վերելքին զուգակցվեց էլեկտրական կայանների կառուցումը: Զարգացած արդյունաբերությունը պահանջում է էլեկտրական ուժ՝ մեքենաները շարժելու համար: Լույսի կարիքն ունեն նաև մեր ֆաղաֆներն ու գյուղերը, որոնք վաղուց պատմական բանգարանին են հանձնել ձեթի նրագները, որոնց լույսի տակ խարխափել են նրանք դարեր շարունակ: Հիմնովին բարեփոխվել է մեր գյուղը: Նախկին արորին և փայտե գուրանին փոխարինելու են եկել տրակտորները: Նախկին կամերին աստիճանաբար դուրս են մղում ասպարեզից հսկա կալսիչները, սայլերին՝ ավտոմեքենաները...: Եվ այս բոլորի նպատակն է բարձրացնել գյուղը ֆաղափին հավասար աստիճանի և հեշտացնել գյուղացու աշխատանքը:

Աներևակայելի աստիճանի զարգացել է մեր ժողովրդի կուլտուրան: Մի դար առաջ ապրող ո՛ր հայրենասերը կարող էր անգամ երագել, որ երբեք հնարավոր կլինի Հայրենիքի բոլոր գյուղերում ունենալ դրպրոց, գրադարան, ակումբ և կուլտուրական այլ հաստատություններ: Ո՛վ կարող էր մտածել անգամ, որ ֆաղաֆներում կարելի է ունենալ ուսման տասնյակ բարձրագույն հաստատություններ, Պետական համալսարան, Գիտությունների ակադեմիա, կոնսերվատորիա, Բանգարաններ, գիտական և ուսումնական տասնյակ հաստատություններ և

այլն: Եթե անցյալում բարձրագույն կրթություն էին ստանում առանձին անհատներ, հասարակության այսպես կոչված «բնտրանի»-ն, ապա այժմ բարձրանում է ողջ հասարակությունը հիմքից: Եվ այս մեր Հայրենիքի 31 տարվա աշխատանքների մեծագույն հաջողություններից մեկն է: Ներկա հրաշագործ սերունդը ո՛չ միայն փոխում է երկիրը, նրա հետ փոխվում է և ինքը: Նախկին նեղ էսասիրական շահերի մեջ կաղապարված մարդուն փոխարինելու է եկել հասարակական լայն շահերով տոգորված, հայրենասեր գաղափարական մարդը:

Հայրենի կառավարության տաղանդավոր ղեկավարները, որոնք ընտրված են ժողովրդի իսկ կողմից, բնական է, չէին կարող անուշադրության թողնել Սփյուռքի բափառական հայությանը, որ ցանկանում էր ներգաղթել Հայրենիք՝ իր ֆրոնտներ խառնելու հարազատ եղբայրների և քույրերի ֆրոնտին: Բարենպաստ ֆաղափական պայմաններում բացվեցին Հայրենիքի դռները և հարյուր հազար հայեր եկան և բնակություն հաստատեցին հայրենի երկրում: Կասկած լինել չի կարող, որ բարենպաստ ֆաղափական նոր իրադրության մեջ, անուշադրության չեն թողնվի Սփյուռքում, օտարության մեջ բախժող հայրենաբաղձ մեր մնացած հայերն ևս:

Հայ ժողովուրդը, իհարկե, լավ է հասկանում, որ հսկայական այս աշխատանքը արդյունք չէ միայն իր սեփական ջանքերի. նրան գործուն աջակցություն են ցույց տվել Սովետական Միության եղբայրական ժողովուրդները, առանձնապես ռուս ազնիվ ժողովուրդը, որին հայ ժողովուրդը մեծապես երախտապարտ է: Հանելի է ընդգծել, որ երախտագիտության այդ զգացմունքն ունեն ո՛չ միայն Մայր Հայրենիքում ապրող հայերը, որոնք ամեն օր շոշափելի օրինակներով տեսնում են և զգում այդ օգնությունը, այլև Սփյուռքի հայությունը: Այս տարի Մայր Աթոռի պատգամավորությունը կիրանանում գտնված ժամանակ, երբ Բեյրութի եկեղեցական վարչություններից մեկը ի պատիվ պատվիրակության երեկույթ է կազմակերպել, զառամած մի ծերունի մոտեցել է պատ-

վիրակությանը և հայտարարել հետևյալը. «Ռուս ժողովուրդը հայ ժողովրդի արևն է, Աստված անմար պահի այդ արևը»: Մերոնու այդ արտահայտությունը հայ ժողովրդի ռուս ժողովրդի նկատմամբ տածած երախտագիտական խորը զգացմունքի անխառնադախ ու խտացված արտահայտությունն է:

31 տարիների ընթացքում մեծ է մեր Հայրենիքի վերելքը: Սակայն մեր ժողովուրդը չի բավարարվում իր ձեռք բերածով, նա ցանկանում է ավելին: Այդ են ապացուցում նրա ապագայի հոյակապ ծրագրերը, որոնց վերջնական նպատակն է կատարյալ երջանկություն բերել ժողովրդին: Բայց մեր ժողովուրդը միաժամանակ գիտակցում է, որ իր այդ ծրագրերը ինքը կարող է իրականացնել միայն խաղաղության պայմաններում, խաղաղ ստեղծագործական աշխատանքով, ուստի և նա հաստատական կանգնած է աշխարհի խաղաղության համար պայքարողների կողքին: Մեր ժողովրդի այդ ձգտումը պարզորոշ արտահայտեցին Հայկական ՍՍՌ խաղաղության կոնֆերանսի պատգամավորները, որոնց էլույթները պարբերաբար տրվում են մեր մամուլում: Պետք է ասել, որ խաղաղությունը մեր ժողովրդի համար առանձնապես նվիրական գաղափար է, որով-

հետև նա շատ է նաշակել պատերազմի դառն պտուղները: Հայաստանյայց Ս. Եկեղեցին, որ դարեր շարունակ աղոթել է Աստծուն՝ իր ժողովրդին խաղաղության մեջ պահելու համար և իր տանարների սրբազան սեղաններից բարեմաղթել է «խաղաղութիւն ամենեցուն», չի կարող այլ ուղղություն վերցնել: Այդ սկզբունքի հետևողական կիրառողներից մեկն է ներկայիս Ամենայն Հայոց Հայրապետը, որի խաղաղության կողմնակիցների Համամիութենական երրորդ կոնֆերանսում խոսած նաոր տրվում է «էջմիածին» ամսագրի ներկա համարում:

Մայր Աթոռ Ս. Էջմիածինը, որը գտնվում է Մայր Հայրենիքում, Արարատյան աշխարհի գիրկը և ականատեսն է Հայրենիքի վերախառն տեղաշարժերին, ի՞նչպես կարող է չուրախանալ՝ տեսնելով հայ ժողովրդի օրավուր անող բարեկեցությունը, ի՞նչպես կարող է, սաղմոսերգուի բառերով ասված, «իր բոլոր ուրախություններից վեր» չդասել իր ժողովրդի ուրախությունը, նրա 31 տարիների վերելքը տեսնելով:

Մաղկուն Հայրենիքի 31-րդ տարում ի խորոց սրտի բարեմաղթում ենք, որ ավելի ծաղկի և բարգավաճի մեր սիրելի, մեր նվիրական Հայրենիք՝ Սովետական Հայաստանը:

